

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj: 7/10), člana 20. stav (3) Zakona o plaćama i naknadama u organima vlasti Zeničko-dobojskog kantona („Službene novine Zeničko-dobojskog kantona, broj: 1/18, 10/19 i 11/19-isp i 8/22), na prijedlog Ministarstva za pravosuđe i upravu, Vlada Zeničko-dobojskog kantona, na 176. sjednici, održanoj dana 13.10.2022. godine, d o n o s i

**ODLUKU**  
**O UTVRĐIVANJU VISINE I NAČINA OSTVARIVANJA PRAVA NA DODATAK NA OSNOVNU PLAĆU DRŽAVNOG SLUŽBENIKA U MINISTARSTVIMA I DRUGIM TIJELIMA KANTONALNE UPRAVE ZENIČKO-DOBOJSKOG KANTONA**

**Član 1.**  
**(Predmet Odluke)**

Ovom odlukom utvrđuju se visina i način ostvarivanja prava na dodatak na osnovnu plaću državnih službenika u ministarstvima i drugim tijelima kantonalne uprave Zeničko-dobojskog kantona.

**Član 2.**  
**(Dodatak na plaću po osnovu složenosti i odgovornosti poslova za državne službenike)**

Dodatak na plaću utvrđuju se po osnovu složenosti i odgovornosti poslova koje obavljaju državni službenici u ministarstvima i drugim tijelima kantonalne uprave Zeničko-dobojskog kantona, u visini kako slijedi:

<b>Platni razred</b>	<b>Radno mjesto</b>	<b>Visina dodatka na osnovnu plaću</b>
I	- sekretar Skupštine Kantona, - sekretar Vlade Kantona.	20%
II	- rukovoditelj samostalne kantonalne uprave i samostalne kantonalne upravne organizacije - rukovoditelj ureda, stručne i druge službe koji obrazuje Skupština i Vlada Kantona,	20%
II	- sekretar kantonalnog organa uprave, - sekretar Kantonalnog suda, - sekretar Općinskog suda, - sekretar Kantonalnog tužiteljstva	20%
III	- pomoćnik kantonalnog ministra,	20%
III	- pomoćnik rukovoditelja samostalne kantonalne uprave, - sekretar samostalne kantonalne upravne organizacije.	20%
IV	- rukovoditelj kantonalne uprave i kantonalne upravne organizacije koja se nalazi u sastavu kantonalnog ministarstva	20%
IV	- pomoćnik rukovoditelja samostalne kantonalne upravne organizacije, - rukovodeći državni službenik u uredu i službi koje osniva Vlada Kantona; - pomoćnik sekretara Vlade Kantona.	20%

**Član 3.**  
**(Donošenje rješenja)**

(1) Dodatak na plaću predviđen u odredbama ove odluke, ostvaruju se donošenjem rješenja.

(2) Rješenje iz stava (1) ovog člana, za državne službenike donosi rukovodilac kantonalnog organa državne službe u kojem se državni službenik nalazi u službi.

(3) Rješenje iz stava (1) ovog člana, za rukovodioca samostalne kantonalne uprave i samostalne kantonalne upravne organizacije, rukovoditelja ureda, stručne i druge službe koji obrazuje Vlada Kantona, donosi Premijer Kantona.

(4) Rješenje iz stava (1) ovog člana za rukovoditelja stručne i druge službe koju obrazuje Skupština, donosi predsjedavajući Skupštine.

**Član 4.**  
**(Stupanje na snagu odluke)**

Odluka stupa na snagu prvog dana od dana objavljivanja u „Službenim novinama Zeničko-dobojskog kantona“, a primjenjivat će se od 28.06.2022.godine.

**PREMIJER**

*Mirnes Bašić*

Broj: 02-11-15290/22

Datum, 13.10.2022. godine

Z e n i c a

DOSTAVLJENO:

1x Ministarstvo za pravosuđe i upravu,

1x Ministarstvo finansija,

1x Svim ministarstvima i drugim tijelima kantonalne uprave,

1x „Službene novine Zeničko-dobojskog kantona“,

1x a/a.